

太  
乙  
舟  
詩  
集

太乙舟詩集卷二

新城陳石士甫著

三男蘭第 校刊  
從姪孫夔

題空山讀易圖

田間錢先生君之鄉先輩易學二十卷著錄四庫內言理  
無言數程朱兩不背惜吾未見之積想逾卅載君鄉龍眠  
山吾昔遊其麓山色蒼空烟溪聲戛寒玉本師今何在舊  
夢安能續悽絕舞雩遊未結塲居屋僕雖好治經猶疎如  
賈山逐祿離鄉井十年塵海間一卷敦素尙羨君心意閒  
何時舍人事相從登孱顏

次翁覃溪師韻題吳蘭雪遊武夷詩後

得髓自蓮洋前身早換骨行過鬪眉峰佳人同拜月仙心  
入吟卷山翠映雲髮我欲携清娛續遊認鴻雪鬪眉峰換骨岩皆在  
武夷蘭雪詩中未及

題葉芸潭同年小玲瓏山館集用王文公游圭山詩

韻

捉塵幾日睽英論阻眉睫諷詠白蘋句夢泛茗溪牒茗溪  
君故鄉大武遠難涉君念玲瓏山有笏空挂頰君才過柳  
惲書史終歲挾山川蘊靈異落紙書瓊笈媿我百輸君未  
足齊肩脅情好託親串交期在學業昨來文字飲有作亦  
云輒陣倚但交綏棋危思置劫誰云五侯鯖酬以匹婦鮓

欲報遲居諸辱贈愧稠疊感君意殷殷忘我辭喋喋文字  
比羹腊心思寄烹燮月鷺服可仙食醯化自蝶靈臺異巧  
拙人意分欣厭肯蓄儲果羸咄嗟辦乃提養羞念秋鳥恒  
取力肯怯孰知食古心三昧存往牒得醬出新筵享賓自  
賞慨我下鐘臯惟曾鼓金陵檝曉萼翫繁枝宵魄眺危堞  
冬來理故裘夏往棄新筵半年漑執林盼茁三秀葉從來  
善書者不獨撫古帖口授得心傳我幸鍾張接所愧學未  
成著錄徒滿篋強懷鵬乍騫弱念鷺仍跼仰望桐城翁瞠  
視絕塵蹠終然懷宮商未肯謝擊拏得官傍蓬島九霄文  
露浥同志復遇君分曹列馬筴君詩似君貌豐頤開秀靨

好整復示服韎韋屨猷獵想君攜使節問嶠窮登躋楓人  
解聽吟木客不能覓教士費提撕覓句就妥帖其中秀出  
者鵝膏已瑩鉢內心願抑冲自視不裁業少作已舉舉新  
吟廼煤爍非予見塗竄孰信勤轉摺往者仲文錢謂華相先生  
極譽石林葉滄浪亭畔客我亦前遊協同此泛滄波讓君  
奮鯤鬣把卷念齊年對鏡白羞鑷比來謁蕪齋詩境云屢  
攝百問慚一對質疑口嚅嚅策勵賴有君鼓勇氣不懾欲  
摩東坡壘試遣漁洋謀置身翰墨場乃見朱家俠交轡幸  
依攀飛空勉追躡題詩代致師雜連笑呿嚙

題虹舫同年甲戌分校圖

奉命職分校聯轂趨禮闈人比登瀛數事同傑直時外廬  
列巡徼內扉分曹司儒官集羣彥連舍吟豪持峩峩觀星  
臺標望東南隅誰爲占雲物共仰奎垣輝分校所居屋堂  
序分西東蜂房旣分據庖湑存其中起此春晝暇文藝相  
磨礱紀事倩繪事得句交詩筒名花在香谷間以蕭艾叢  
無負畫中意披襟當春風經生治經術能究鄭孔旨使爲  
應舉文或愁劍補屨才人習詞章能磨屈宋墨使爲應舉  
文或愁壺哨矢工者固心欽拙者難色喜傍徨分校心安  
肯負舉子因文以見道道尊技亦尊因言以察行行醇言  
始醇上山云伐檀毋使挈榼殫剖璞云得玉毋使卞和哭

青泥點硯時朱衣在爾屋諸子有同心我效虞人箴

題芙初編脩此中有我圖

消寒第一集

聖人貴毋我作詩獨不然風雅有正變美刺操微權苟無  
作者意奚取三百篇後人繡顰悅名心矜所專羊質冒虎  
皮徒取觀者妍七子法盛唐前賢或舍旃阮亭名特盛譚  
龍譏亦傳是惟無我故才俊遭棄捐我志樂圖史我懷喜  
林泉我退無所懟我進無所援真語不外飾僞好空大言  
有我乃無我聲利不能遷無我適有我身事多所牽匡張  
與孔馬說經豈不賢取容持祿位孟堅無取焉有身而無  
心浮名徒爛然作詩雖小技心氣由茲宣試以有我義證

之無邪詮美初工詞翰風骨殊高審讀史不媚世靜氣寡  
俗緣昨得汪君畫張之屏榻前盡不爲我作着我居畫間  
因以作詩法索揮朋舊箋高山流水中鼓琴誰無絃君其  
移我情我或如成連

韓芸昉前輩屬題偕其令弟竹陰茶話行看子余爲  
名曰蘭修竹義圖而系以詩

中丞篤友子介弟從宦遊霓旌與蕩節徧歷東南陬每當  
行館憇共攬烟霞幽雋賞接神馭淵諧與目謀矧茲節輟  
靜文史間校警宰物旣肅肅敷政殊優優藝花判厥區習  
射張之侯竹陰茶話時堦簾相唱酬天倫此樂事四海一



子由鯁生託末契深言許咨諏每聞最古義竊喜附雅遊  
韋絃作幽贊蘭蕙盟前修獨悵鄉國異奈此風雨秋一翁  
昨握手去我歲忽道作書與弟言對床吟不休家園檀欒  
影自昔池館收飼鳳實可采攻玉言無鄙

題蕪葭閣圖應雙五前輩屬用東坡分韻賦參寥上  
人初得智果院心字韻

高樹欲藏寺遠烟初翳岑選幽証了義智果明自心覺翁  
今東坡宿根一何深少立范滂節晚契祇樹林賦詩發妙  
悟如聞迦陵音月亭卽參寥初地城西尋雲崖出傑閣秋  
水諧風襟昨侍龍華讌坐豁塵慮侵緬想王與朱未覺古

勝今

謂崇效寺紅杏青松圖

由來尙幽贊詎肯羞華簪

題法梧門學士詩龕圖

晴光納虛曠石氣生寒綠想像詩人心禪味一龕足當前  
境易忘後世仰高躅幸此接朝衫邂逅甯非福夙懷亦有  
尙把卷澹無欲世累苦相搜雅趣忽在目披圖發鄉思夢  
遠千竿玉

余家石竹山房植竹頗多彷彿御輿圖中相似故云

題戴可亭相公庾嶺歸雲圖用王荊公謁曾魯公詩

中歸榮今作地行仙句賦五言七章

戀闕意良切懸車義肯違陳情旣得請慈天語榮公歸

公得請時上

盛門唐則蕭再世漢則韋道逢復聖代

公福疇能幾

公爲平子思行河以經明公爲于曼倩讞獄疑從輕三朝  
星軺貫十載綸扉榮卿雲麗層霄引領環蒼生

庾嶺聞自唐軼事傳至今曲江有訐謏風節固能任歸雲  
明晚照鄉夢飛遙岑迎門計到日梅花香滿林

文端公從子相業亦卓犖朝士有同思隨會不可作弱息  
未有孫委花倏悲昨愴懷知公深謂公公淚落

世緣遇各殊 國恩感獨摯 詔祿及家居鄉閭頌 君

賜孫有孝廉迎子復郎官侍清望滿粉榆簪纓稱才地

手却靈壽杖心契黃庭經內養恒宴坐濟勝猶步行讀史

意多感見公暇倍明惜我隔京國莫勸香山觥

誰爲揚尹盡以絜疏傳賢今我勝昌黎得賦歸雲篇盛事

况昨歲爲貌截凌烟

上畫十五老公與其列

此幅世寶守人乃知真

仙

題曾靜三寰海靖平圖

定海三面海浙東此門戶海口出蛟門巡邊泛海所  
皇威讐四裔猷琛歲事舉海氣靖鯨波蛟龍不敢怒誰作  
紀遘圖都督今召虎

巖巖侯壽山峩峩威遠臺登臺望雲物萬象森然來山勢  
環若擁海色澄如揩舟舶紛鱗香島嶼莽縈迴都督工八

法可爲書磨崖

山石誌奇幻擲豆得棋子不知上界仙何爲亦就此母乃

寓言歟以喻政守理時清無伏莽法久或就弛

海外阿芙蓉

本草鴉片名阿芙蓉

流毒不可已禁約倘稍疎連艘潛

進矣肅謂刀刀隊堅若岳家壘

防患於未然惟公能辦爾一笑書生言聊以效其非

爲蘭卿題其尊先甫南武奉祠圖

震川令長興清猷宰靈壽惠政皆及民謗聲乃盈口從來  
作令難教養職無有倘非心誠求何以歌父母所患簿書  
間莫運屈伸肘我迂不解事妄覲三不朽自謂百里才庶  
幾可小受逮乎貳成均迺愧職多負我意所弛張人意異

去取口教尙難之有喝而無喝幸未歷外臺遑敢傲墨經  
因思震川子願假典曹手惜未使之居無以徵厥守槃槃  
硯雲翁南武著績八尸祝有去思名與桐鄉耦遂生兩驥  
子論古能尙友蜚聲館閣中遺澤信龐厚頌德示官箴知  
者不余咎

題玉延山館卷子

玉延生深山唱名不能取稟茲狷者性近于君子守及其  
旣得之療飢且益壽此材非瓢落韞璞底須剖梧門與匏  
莽同嗜作尙友架簾傍詩龕入畫倩好手秋烟被野畦山  
翠落虛牖我賦田家詩夢到中溪口

中溪吾里名也

山尊前輩屬題其友人息隱園

幾年別鍾山夢遊我亦熟清晨展粉素空翠紛在目我師  
復書來講席開夏屋多士喜重到雀躍吾尤獨徑思執經  
往趨就門左塾席書師文成此義今不復塵海困紛囂依  
違徇微祿慕古惜居諸樂閒喜林谷况餘十笏齊萬卷可  
縱讀雨涼幾葉蕉風韻一庭竹我懷謝公墩詩成妬君福  
何時買一椽亦傍鍾山麓

錢南園先生遺照

爲學與服官初非有二事仕豈有優時卽事業可肄蘭畹  
以云滋稷畝以云蒞默守坐觀化臨辰卒聞志卓卓南園

子少小抱奇氣登朝著風節遂邀

九重器賤子附驥

門幸托苔岑契年齒不相及未謁瀛洲刺視學誦傳語書

紳發遐思

先生祝學以嚴爲主余從韓芸叟中丞處聞其語屬爲書一幅携以求斯

今得拜遺

像恨不參坐次英英眉宇間寂寞乃盟意夫子少壯時所見固人異吾老炳燭光十駕敢忘勵

### 題吳石亭先生遺照應梅梁編修屬

英英玉堂彥祖德述以畫平生范喬心硯可鏡湖代邊城  
豈無柳春色苦易退寶此彝訓垂知止故不死

吾家有從子昨受國士知我昔愛其才祖訓嘗提撕鄉園  
足石竹讀書頗相宜礪行植文本衣鉢良在茲



題陳氏雙節傳後

周官重陰禮鄉樂歌二南教化起微眇此意誰能諳婉婉  
吳孺人事嫡無違禮抱衾經數年緩帶心相倚旣納符孺  
人爰舉丈夫子兩子方幼孩文學旋喪矣當其茹苦時茶  
甘信如薺天廼芘其家祝融不敢燬平生節義懷女也乃  
如士周急有遺施力薄志不弛彼哉紈袴兒服飾夸閭里  
不見陳氏郎繭葛僅充體約已而豐人母教有如此兩事  
試合觀淺夫顙有泚清風百年來會見家益起我特表其  
微用以砭凡鄙

題畫

雙崔孤松根清唳碧雲過抱此出塵心  
孤立子能和我因授兒書自憶趨庭課

楓葉未酣霜一碧亭前路亭外秋山多  
山徑莽迴互幅巾何許人曳杖過橋去

峭石作奇峯雲氣一何古誰爲澹蕩人  
山根結茅宇我字偶然同我客石是主

春氣入花氣胸中生意盈枝頭雨好鳥  
爭向春風鳴花陰試靜聽定有吟詩聲

畏吾先生病後以紙索書觀山臺放歌  
改句雨中更

作五言一章

危疾忽就愈夫子能天遊止觀得了義一臺萬象收我每  
喜與語山色兼目謀晴雲約屏翳忘言爲唱酬

曾霽峯同年爲陳碧山天普乞題其師邱浩川燔引

痘題詠冊

昔者朱閣學

方增

刻意思濟人延工鍼灸者自浙來都門

病暍無暴死其效洵如神又喜引丹術能佐幼幼仁欲抄

書萬紙徧使傳城闔此書吾未見此冊觀之聞閤學與方

伯委化俱返真方伯詩必工

與賓谷作詩課索其兩粵詩尚未見

惜未究其

文遂增傷逝感彌重警世言三復制府詩坐歎起而呻孰

使阿芙蓉流毒徧八垠厲禁奉

嚴旨莫喻蚩蚩民吾

鄉素淳樸比聞爭效曠士子及輿僂貴賤同一熏安能徇

遊釋詰以罇于申吾言警頑鄙吾意傷榆枌

芸臺制府題此冊詩云阿

芙蓉毒流中國力禁猶愁禁未全若把此丹傳各省稍將兒壽補人年

### 送梁鶴莊出守吾郡建昌之行

使君氣撫抑使君才振奇家傳禁省筆志矢卷阿詩樞

廷初罷直姑山言擁麾秉節自旦晚守郡廼始基顧拓延

蓋意而勤詢堯辭安民必本俗樂職誰舉師漢吏渺前迹

周官空良規載聆仁言仁咸仰慈雲慈吾郡佳山水其人

知禮儀荒土不俟闢靈雨盼及時負販或遠涉頽肩皆窮

黎所患見闕寡土人真意衰大義一偶失游辭紛所馳但

能有激勸固可反澆漓導窾刃有餘修聖風與持興利不  
循轍脫痼如忘醫豈復患惡草會見產神芝使君富文彩  
卧閣欣無爲對琴宵覓句看山朝拄頤部民倚世好朝班  
聯屨綦雖誌梓桑喜亦軫離別思情甯祖席展夢逐鄉雲飛

送錢裴山中丞

楷

還朝三首

鳳凰巢阿閣乘雲來南州歸昌協嶰竹還宮鳴所周曖曖  
扇春煦肅肅揚清秋感物理自運絢采名垂收丹山有鳳  
駕鄂渚難爲留黃鶴亦不來江山空高樓

士子聞公來絃誦盛賢序屬吏聞公來威儀靜簪組游民  
聞公來轉事戒惰窳揚善煦澤蘭撓伏禽穴鼠如何奉

朝命盛夏肅從旅路有一瓣香睽睽遍全楚  
接趙蓬萊島夙昔翰墨緣游踪復偶合揮塵春風前鮮民  
亦何事所耕惟石田陰陽有流峙山川幽且元歸去營宅  
兆感激承言詮離緒入露坐翹首台階邊

聶蓉峯太守將之官同人釀飲寄嶽雲空作春園雅  
集圖賦五言一章卽以贈別

京師每歲春旗亭盛公讌敬老與尊師綺席列豐纂同舉  
及同僚苔岑表深眷禮昉重粉榆誼逮篤親串觴政經程  
分食單水陸薦傾耳豈陽阿眩目或漫延促坐就所親廣  
場豫爲選昇平樂事多百載此風善朋好情旣申切磋事

可勸獨惜文字飲例不及史館吾友蓉峯子一麾方就餞  
江湖懷魏闕講幄有餘戀謂此例可補釀飲集羣彥徵數  
逾瀛洲數典增詞院初擬就江亭一覽春光絢遲迴避風  
沙家園足宴衍庭花雖未放嶽雲疑拂幔良會咸所欣離  
懷安可遣聊爲紀事詩以佐仁風扇

送劉葦間親家解官就養浙江三首

歸心遡楊縣歸裝指東越令子賦南陔迎養昨書發楫倚  
潞河舟雲漾鏡湖月冬桂及寒叢南中芳未歇息軟理初  
服懷恩戀魏闕兩情併一念觚稜忍違別伍舉善聲子子

產知駿茂

用謝康樂鄰里  
相送方山韻

昔年負笈地鍾山恒夢遊歎息鄭公去江水徒東流君舟

行過此我意同夷猶塵事未能謝遺書空復來安得偕君

行無以寫離憂

用謝元暉新亭清別花零陵韻

我齒少於君既見同心期十年聯官跡遽此祖帳時就衰

念筋力衛生知自持君如勤寄札勗我明相思

用沈休文別范安成韻

喜晤蕭謙谷同年

元吉

卽送其旋許州

鄉薦昔同登地願分南北暨乎試禮闈握手意相得雙九

轅颺輪九霄散雲翼宦轍既殊鑣鬚絲都改色喜君擢官

來班荆話疇昔

中州官赤緊君才能自升當其困吏事一意惟孤行接人



則用

世度已推以繩此意君既解舉足無棘荆遂使感  
木等皆西南諺得朋由來自守貴世緣空愛憎

吾鄉朱文端相業恢真儒 兩朝眷遇厚一德堂廉孚撤

瑟有 賜奠盛事 臨乘輿帝師元輔句敷坐頒 御書

公薨時

高宗純皇帝就坐地御書帝師元輔

世宗先賜

四字爲輓額戴可亭相公頃爲用光言如此

額今猶存舊廬孰知平泉第賃作過客居君其同縣士贖  
宅方議釀此事可必成今多賢士夫

與君連日語胸次殊濶達修身自有才鄙念豈能奪譬弓  
不受檠張侯難省括譬滄浪水濁濯纓終見黜君言有如  
此君望孰能遏優優繁劇中百事藉迴幹疲馬丐以芻良  
材護其枿他日倘封圻毋忘此惻怛

仲弓君部民篤行稱太邱此日西豪里猶有慈明不東漢  
多節義今人難復求作官於其地毋使慚前修漢世舉孝  
廉仕進多公侯得第何足羨勉旃君自謀

喜晤江介臣卽送其旋扶溝

北宋程伯子爲政動合宜綱條及法度人可效而爲扶溝  
境內水渦洧流分支鉅者小黃河通漕顯德時瀕河有惡  
子脅取舟行資倉黃及昏黑弭楫人危疑伯子作縣令懲  
惡妙措施縛賊使引類貸罪受指揮分地業挽繹詰姦且  
寄之春禽不竊脂夜犬迺生釐此其緒餘耳張弛從可思  
方今行保甲吏事戒惰疲誠恐尙武健吹毛治勞絲如何

本經術明察歸仁慈吾友富才力辦事如列眉頗聞興學  
校青衿無刺譏卓薦迺北來遷擢行可期握手話疇昔臭  
味無差池君治伯子邑前賢餘風規偶爲述軼事以作贈  
行詩他日倘乘傳來聽輿頌詞

題張芥航同年詩藁卽以贈別

君家膠東相治劇垂聲名入守京兆尹枹鼓遂稀鳴韓趙  
乏經術武健爲氣矜孟堅與同傳別裁意頗精吏才非苦  
窳卽以喜事稱今人與古人相去何徑庭君豈子高裔矯  
若秋空鷹洛中白賊徒共懾赤棒聲用心仍慈厚哀矜有  
餘情作詩紀所見惻惻爲獨醒他日累階進佇汝名宦成

同舉十餘年題句當班荆試援子產語今始知然明

送張芥航同年擢開歸觀察之行

治河與治民其道一而已誠求塢流法不異保赤理先機  
有洞矚定識無波靡約束吏及民渾如臂使指繕性兼肅  
溫審權妙張弛從來任事人實事求其是芥航俊傑才銛  
鋒瑩秋水掉頭紅葉省出而宰百里汝南大梁間聲譽日  
以起其威懾飲羊其氣狎奔兇本以叱馭心運以揮斤技  
晉階旣屢膺特擢又中旨淵懷願翦翦受寵益襁褓每  
言斯未信詎敢意稍侈敬事誠宜然竭才固可矣不見湛  
溪翁樹績一何偉當其令吾鄉孰以河帥儼聖朝重儒

術終能稱褒美君誠勉自抒其位行可俟贈言古有之諛  
辭吾則豈

海颿中丞 內召爲盛京司空以蘇子卿惟念當乖

離恩情日以新十字爲韻賦五言十章贈別

晴雲照行色公行不肯遲冬日良可愛公望復似之我聞  
士與民載頌亦載惟路有一樽酒明日公毋辭

公顏如渥丹吾衰面已老如何畫中身趨程公忽趁驚坐  
媿未成祖席我獨欠勉旃圖麟閣贈別此爲念

頃屬友人爲發光步

竹園寫生皆各肖其人香谷小農書  
農諸君饒席余以未能往爲媿也

天吳殷其雷石堤乃敢當籌國貴訏謨夙夜公其農事會

有遲速蓋忱惟獨將深言杯酒間余懷安能忘

論文有深識能辨雅與俳過目輒舉詞記誦復絕佳課士  
重詁經導以登堂階望公繼阮公士論無睽乖

昨謁文瀾閣萬卷思探披言登四照亭賈勇陟崔巍所懷  
在副墨暇日爲管窺此願何日遂我行公又離

湖波與山淨湖雲與樓尊春杯花欲笑秋席柳未髡士秀  
有何武海靜無孫恩儒雅成坐鎮得共言笑溫

不重畫狀智進退觀我生孰爲庚桑楚惟公無俗情達心  
愧余懦築室難爲爭用心厚薄間胡爲多所營

灼灼庭中梅朱華耀初日留公話冬心投轄乃無術長途

大石山房集 卷二  
凜冰霜裘馬慎所發山深谷多風江空月如雪

我有石濤畫臨行持送似菊茂頌延齡芝秀祝生子公有  
留別詩知公屬稿矣船窓覓暇書豈曰不我以

結交十年來過從日已頻今此兩浙遊山水窮清新何日  
始訪戴無計爲借恂西湖如有夢偕公話 紫宸

### 宿棲靈山

曲徑梯浮嵐肩輿到山頂俯檻眺晴暉列巖見鄉井山腰  
雲乍吐脚底絮鋪嶺俄聞風雨聲挾浪走萬頃夜來簷溜  
斷喧寂忽異境心共星斗明思接江湖永

### 十五夜對月

繁葉覆几上老枝臥堂中問誰移置此皓月爲書工此夕  
輪正滿清光反未通豈桐能蔽月是月自隱桐拂地影搖  
山嵌空玉玲瓏滅燭一以坐天機轉融融千金買名畫孰  
與此境同

壬寅夏月詠梧桐有不風亦自秋句未成篇傍晚梧  
陰下觀書續成之

祝融令初行苦熱萬里周尙爾疑清和炎威遂已遁幸哉  
丁其威有梧枝葉稠不惜親炎蒸與人以清幽緬思古賢  
達曰昃不敢休吐哺下白屋登車邁九州何爲自勞苦凡  
爲兆民謀賤子獨何人華屋自優游對梧良有慚論世寤



不羨憶昔把筆時寒飈鳴啾啾中有自得句不風亦自秋  
寒暑更其四習態尙淹留革故旣未能鼎新曷以由願言  
警于梧遜志步前修庶幾吳下子非復昔日儔

遊東林寺望廬山

隔江望晴嵐浮空出螺髻泛舟及近郭層巒生遠勢車馬  
陟委遲坡陀越迢遞左盼青可憑前行碧無際山腰幾茅  
屋風颺炊烟細何幸此居民日日飲山翠

繡塍別高下雲徑相縈紆山行三十里乃造遠公廬寺古  
檼楠敝僧老顏色枯高風散岩壑遺址空榛蕪道存跡自  
顯時異心竄殊請看三笑堂猶刻文成書

堂刻王陽明自書七古一首

幽賞雖多愜趨程不辭遠日色不西客蕭蕭過前阪循徑  
火初明懸崖松乍偃時於杳靄間引領辨雲巘風尚慕棲  
逸登臨惜晚晚何年攜鉤具來就匡君飯

遊三華庵

逆風三山夾維舟一日住薄晴始披襟餘滑猶澁步委迤  
村路賒淡迤春光暮腔危樹更欹徑轉山忽露蕭然禪扉  
寂果協幽居趣喬柯出樓瓦叢竹拂窻霧花態欲依人濤  
聲時撼樹遺老迹尙留靈石光如故境閒意偶清事往神  
猶暮日色隱崦嵫徘徊未能去

晚投田家宿

暮色忽而至驅車信所投解裝茅屋下日落柴門幽寒月  
照四野空烟淡不收當門立老樹披拂風颼颼鄉園去千  
里親舍亦阻修寧知淹中途夜景延冥搜清夢落茅屋吾  
懷良悠悠

穎上縣

王迹一以熄霸功猶可作所以諸葛公抗懷師管樂我行  
穎上道寒日映城郭時無夷吾才想望空寥廓行當詣宛  
邱接壤近伊洛南望隆中道閒氣黯林壑生當三代後自  
處良不薄微尚屬經綸寸心甘淡泊遙思伐楚功更想定  
蜀略一爲梁父吟乘時思所託

登岱

選勝結選情望嶽請夙願及茲風日佳肯謝攀躋倦肩輿  
作橫擔拾級引高踐間根納清響目力辭危眩紺宮憇半  
途繡壤睇下阪霞靄鳥欲齊瓊想仙可薦揮手世間人此  
身已天半

我行循岱麓厥山名敖來滄雲出其頂仰矚高難階入城  
瞻北峯心口相疑哈旁支有峻拔正體無竒恢逮夫天門  
狎始覺萬象開岡巒皆剡嵒俯仰爲興儻喻以君子器證  
之達者懷渾噩備衆妙不該斯能該

丹崖屹東倚翠壁巖西向岡體本相連峰勢忽分抗誰爲

大乙子言集卷二  
嵐梯鑿亘以石梁創中斷復中通迤下乃迤上盤盤十八  
盤峰峰相揖讓層巔旣已登縱橫列萬狀聖言小天下至  
理非豪放

宮牆仰萬仞及門敬摠謁當日

翠華臨從官森就列

丹雘遺舊觀瞻依及使節形勝曠所際冥搜到碑碣陽魯  
而陰齊了了分軌轍王程詎敢稽縱目已足悅默禱日觀  
峰他年賓出日海市與銜雲韓蘇倘許挈

肩輿上渡船至雄縣

十年住京國未泛沙棠舟詩懷著吳越水雲惟夢遊使輅  
昨阻雨霑脛徒御愁取徑必喚渡改計因順流夜色有星

彩波聲無棹謳稍稍人語靜森森蘆葦秋晃朗日華出洪  
濟霏氣浮空靄影欲合薄寒晨未收繫楫旣傍岼登輿仍  
循嶂蒼茫六十里一快雲水眸杜陵憶吳詠幽興欣斯酬  
將至宿遷途中書所見

昨日見一婦僵死委路旁其夫不能斂逢人訴饑腸今日  
見一孩聲嘶委路側詎非索乳兒不得登衽席所見已如  
此所聞更可傷骨肉相屠宰殘觔犬來嘗誰家數頃田賣  
之無與值窮巷婦與孺敗筐掘草食天心豈不仁厄運窮  
黎當喜見布施人仁粟而義漿

清河吳朝觀散齋  
豆給五萬人食

望望江

南山嵐翠浮遠色對之不能吟拈韻輒心惻

出都

輿衛飭晨駕烟靄明秋岑卻顧童稚送增予陟岵心游宦  
歲序積家書遂至今壯來多遠騎南飛有歸禽晴郊麗晚  
照園樹生夕陰孰知行役夢遙依松桂林

謁方官保祠

置產贍孤獨惠政特一端後賢尸祝之立祠祇樹園古柏  
翠蓋結虬枝空階蟠精爽來深夜紺宇聞騶鸞我來啜僧  
茗撫事循庭欄卅年聽傳述爲政兼猛寬大者在水利疏  
濬才幾幾渠百所浚稻麥千里蕃始雖鄭相詛終竟鄴  
令安石火一何迅歌聲今已殘宰官有寂相翟彼無舊觀

夏秋或盛漲曠野生怒湍坐令節屋民羨此常住餐孰能  
先事籌利濟思所難我詩當紀事持以告長官茶罷肩輿  
去日照相風竿

宿樂城夜雨曉行泥溝中四十里宿趙州

夢蝶迴秋衾簷溜聲如瀑雨勢紛在眼溼雲曉猶逐輿夫  
避潦行路覓單條熟崖樹相拄撐畦草共起伏十里見晴  
光巖端映午旭水雲作舟行天半猶堆玉翫奇忘遠塗覓  
句快新矚習習晚風生落落吟懷足

行館石假山翳于草中爲理而出之次胡牧堂韻

山骨一朝露雲氣疑欲揚夜深明月來玉筍如人長服艾



理自絀獻璞神暗傷幸握珊瑚網肯負雲錦章蘭言良可  
佩持爲砥礪方

試院喜晤子升刺史用東坡監試韻索和並質諸同

人

使節入瓊闌羣公餉官廩題襟快良覲得友悉英稟論文  
意各抒諮事例皆稔連日尙閒居欸舊或招飲昨朝題紙  
下淋漓騰墨瀋所望風簷中握管稱三品感事意蕭疎懷  
人歲苒荏吾友魯習之積學最該審文章憎命達斯人厄  
尤甚可憐松楸林久瘞光明錦遺墨幸收藏良金未拋磻  
我學本慵疎同行但踽踽顧茲玉尺携彌切條冰凜頻年

喜中州學海收狂念我網珊瑚枝不詡扶桑堪孰起蒼頭  
軍先攝弟子衽蓀蘭夢亦清栽桂詩欲諗繪能後素功味  
自超常飪君問西華任子升與雲舫同年皆問魯習之後人何如我念東陽沈  
習之素枚馬若聯襍淵騫真在寢竟此真宅返不受世緣  
鏤晝日暄可迎夜風寒未噤故人倘入夢明月一欹枕

過北嶺

昨登白鶴嶺乘霧偕之升左右拾級外莽蒼身無憑及巔  
喜開霽朝旭騰光晶遂得見雲海快事誇友朋今茲登北  
嶺顚氣連青冥以噴而得瞬意行疑陰晴初謂上界目能  
收指掌明詎知氣候殊近曉無遠形雲海如異人屏跡方

成名安能城市間邂逅來合并卽事悟顯晦達觀祛競情

和溪

水西數間屋水東數間屋朝日照鱗瓦蒼蒼接雲木板橋  
兩三處沿流與溪曲我行橫過之迴望各在目居民無事  
時鄉里有微逐春雨勸耕耘秋晴話樵牧果稱村名否庶

挽下南俗

閩中呼漳  
泉爲下南

桐廬

陰霞媚春曉沙嶼揚烟舠始知清曠境可以瑩心靈鳥語  
韻幽管魚沫漂寒星空濛飛雨來演漾流雲停碧侵薜荔  
衣翠濕莓苔屏桐君恍招手揖我鰲背庭塵慮苦未忘安

得凌青冥

曉發嚴州

曉霧盪空水雙厓碧岑岑鈎輦叢篠間幽鳥皆越吟明漪  
清見底倒影孤雲深眺聽抒古懷盟濯除煩襟沙社跡久  
荒鈎臺尙欽崙高風渺空翠可愛不可尋

龍游

疎篁引遙翠碧色侵人衣春陰雜花明漁舍朝烟稀密翳  
鳥聲樂淺瀨鷗情饑盤渦旋瑤井懸流澌瓊霏蓬窓澹無  
慮仰看閒雲飛高下聽溪春笑渠未忘機

自龍游趨衢州作

拔地千芙蓉奇秀森動目急峽束盤渦雲根削寒綠溯流  
行自遲延綠葦間宿陰雷中夜聞凌雨下奔瀑春枕聞驚  
湍江風冷吹燭侵晨推蓬望稍喜見晴旭浪急鼉橫飛峯  
危鶴俯啄篙師突地吼水怒不可觸進寸退輒尺中流困  
漩洑爾曹疲險艱吾徒忍欣矚旅宿苦淹留仰首羨飛鵠

舟行雜興

雁宕有餘夢舟發永嘉境俯仰一延佇山翠納溪影壁峭  
林不依崖奔石欲騁頗疑連雲障散入括蒼嶺

壽曾賓谷前輩

公昨過我時縱談及身事歲序有雪霜如何答天地不是

後凋姿松柏獨也貴數來聖莫辭理立福可冀惕以宴安  
壽戒以堅永至會見交讓枝乘春發蕙翠公凜日中豐僕  
獻貞下義惟公似子美懷切廣廈庇燾後理則然壽身兼  
壽世介壽闡公辭賓筵請揚觶

何硯農五十九壽詩

今人稱觴辭嘉名曰慶九義不取盈數福乃徵單厚協彼  
大衍虛引此大年受本之愛日心出以馨膳口靈石何使  
君平生志尙友瀛洲筆旣簪樞廷制旋草十年得課最一  
麾遂出守粵西稱輿區不獨峯獨秀峩峩金匱山中空若  
懸甌油油通利江淨綠濃于酒日良二千石臥治得延取

惟烟幅無華惟廉靜不苟其民被春風愛之若慈母無何  
拂衣歸不羨印懸肘此其恬退懷謂非古人否有子宦越  
中南雲當戶牖爰觀八月潮爰倚六橋柳茶可焙作壁竹  
可縛爲帚尋幽所攬結有句琢瓊玖回首粵西山清夢落  
岩數遊蹤與宦跡幽興雨不負賤子登金門出公七科後  
仲子晚相知謂蘭土亦復勤誨誘比年託親串諸季頻握手  
岑苔與淵源投分緣非偶我師傳先德謂姚師作尊甫傳文足垂  
不朽固知儒素床襲蔭殷且阜請看諸郎賢各各垂組紱  
階樹榮旣敷孫枝擢自茂來年試醉盤書左戈提右昨者  
文字綠璞玉藉手剖敢誇衣鉢傳竭喜芝蘭糗屬當綵舞

廷敬介筌陔壽輒爲陳驚坐載詠詩酌斗

張友堂司馬屬爲其婦翁謝覃菴

廷書

八十餘壽詩

萍鄉有老儒姓謝字覃菴詩書好所敦山水性所耽三徑  
開烟蘿萬卷施丹墨目倦青雲騫心許白鷗識自言五十  
外寫經課年年今年八旬餘赫蹏堆過肩子能讀父書儒  
巾肄陔雅每將馨膳心興以稱觴寫先生願掉頭謂此吾  
所羞治具既有資急病可無謀乃召農夫來謂汝耕吾壤  
納稼減厥租我壽汝其饗三十年之仿計畝量釜鍾主人  
散所積鄉里款亦豐沅芷與湘蘭揚芳而播潔遷地能爲  
良官陂頌徽烈

君自湖南遷居萍鄉之官陂

置倉爲母壽言念我先君



未能董厥事我其慙析薪麟經寫分傳作詩期述祖荏苒  
八年間慙未究遺緒介壽門婿請紀事史職宜百歲表卓  
楔厚德斯期願

哭邵楚帆 自昌 總憲

春風吹耆龐謝夢竟識西惻愴感舊心有淚揮一斗丈人  
昔爲郎實惟先子友青楊同巷樹白墮佳時酒敝車與麤  
馬到門不待叩賤子時里居未向京華走每於尺書中父  
執知誰某軼事傳童僕淳風散林藪遲遲得謁見循循感  
善誘示我文字塗徹我知見邵丈人語何真丈人意誠厚  
交誼非老輩納約誰自歸憶昔受弔時背淚侵喑口憶昨

旋朝時嗚咽重握手謂見故人子故人去已久孰知撒  
瑟辰轉瞬當歲首門前一寸地先廬居其右雲車定往還  
縮地術何有只憐三徑三不作九原九先子愛公書尺幅  
比瓊玖故園千里外挂壁盈蝌蚪先子長於公丈少於先  
子二歲而  
得年皆  
七十八委化乃同壽豈其白雲鄉鶴駕不遑後公子能養  
志遺命不敢負佳城有塋期百日戒嬰柳其慎痛先子殯  
宮事聖黜青鳥來遠言黃泉辭昔阜饑驅尙服官報顏對  
組綬表阡雖矢願緩塋敢辭咎公位登卿貳公年登耆耄  
了然去來間辭世乃離垢我下床下拜頗雪梁松醜所愧  
先友誌辭非柳州偶招魂情則哀丈人知我否

輓李松甫年伯

江右一峯頽廬阜照無色遺編絕清響夢愴太華碧

太華夜碧

人聞清鐘家石榻先生稱爲江韋廬隔灘江未得拜韋石

右一峯皆李少奎題韋廬集語

韋廬隔灘江未得拜韋石

三復去年書詩懷感今昔

丈名其廬前之石曰韋石蓋標其稟左司之志也惜余未得見丈

而書問數往來客驛所寄書撤瑟前一月書也親交誼固敦性情契無射立命非

此是敬之安身立命處近

腐語如公安可得南宗無慧能誰與誇杖錫

送楊蓉裳奉太夫人諱南旋

歸夢作兒啼臺即憂見色兩月望書來一慟緘題白貧官

治急裝偏仄復偏仄求官非求薪欲歸歸詎得可憐葵傾

心先機動悲惻

詩人懶讀書惟君富文史提要復鈎元手錄三萬紙詩人  
喜狂達惟君獨守禮但墊林宗巾不折幼與齒素行旣委  
蛇居喪乃欲毀庶見素冠人七日一溢米冰霜慘長途愁  
君戴星起

一枝五色筆不登承明廬早歲去作吏爲政乃儒迂天欲  
見其才花門生豺獮孤城能墨守縛賊如縛奴報最忽不  
樂入駕郎官車孰知讀書身輾轉就債逋忍寒未贖衣洒  
淚且賣書

聞名不相識一見乃如故五年文酒間披豁竭誠慤涉世

戒其疎下筆救其誤平生翰墨場所重非名譽賴君勤學  
心策我却行步忽聞分襟言神傷碧雲暮江南故人多麥  
舟當有助無力救君貧余愧曷能恕臨歧惟茫然夢逐遠  
行路

哭晴芬同年

前年別君時除夕前三日遊山興未闌祀先禮未畢

辛卯  
臘月

二十七日過君里君方祀  
先約遊惠山余未能去

見君最幼孫立嗣爲我出感歎

及身世督課勤蛾術君才本鳳騫十年侍溫室乞休得

遂請水竹殊靜謐謂當杖朝年看孫簪彩筆何圖疾未深

遽已聞撒瑟

我昨遊閩嶠嘗欲報君詩謂結山水緣不負烟霞安君曾  
督黔學聞見多幽竒天地有融結性情與娛嬉地殊興則  
一境闢象自歧欲摹靈秀態以證分合支思澁雖未就盟  
在意不移君今長已矣詩成當質誰

我携一尺書購自湖中賈與君識面初意許論千古慈恩  
既同宴履道亦比宇離合與升沉廿載彈指許吉夢每諧  
君苦吟輒就汝復隔鳳城鍾仍作枹枹侶既判閩嶠矜未  
與東門祖猶幸過龍山見君就黃浦今來憶笑言門巷空  
延佇春色渺天涯雲陰暗平楚舟次一思君揮毫淚如雨

輓吳母許宜人

莫慰倚門望享年逾古稀慘絕遊子心急裝衣麻衣古有  
爲貧仕祿養難及時扁舟歸養圖忍誦前遊詩

中田與新田相距三百里我雖托親串未泛石溪水拜母  
昔登堂都門居密邇同作京朝官慈訓猶能紀

儉則却紈綺勤猶親組紉卅年一竹簪持以戒後人鶴駕  
迎三秋鳳詔榮千春守身廼大孝是用唁鮮民

晚宿邢臺見壁上朱君壽清呂仙祠題詞頗具禪理

因亦戲題一詩

八識掃除盡證六波羅蜜其境本屬空於空乃得實苟悟  
此義者夢境總安吉卽夢卽是覺無得亦無失我下此轉

語曰翁詞亦屈若可參黃龍定不縛禪律我來邯鄲道月  
夜驅車疾空烟羃古祠老樹影突兀想像虛無中金仙尙  
可謁晚駕卸邢臺斜陽散林樾卽事亦夢境曩念安可詰  
偶讀壁間辭其人才迥出安能一抗手論古窮顛末仙佛  
兩無諛和之聊自述

讀十六國春秋

父主蒙珠離子王遮湏夷強魄有所託徵此荒怪辭昔我  
中原亂時當典午衰骨月相屠戮宮闕有伏尸離石一都  
尉起而拉摧之奈何覆轍尋前事忘其危父榮不雨立沈  
準爲禍梯覆驗東平語一一如前知永明雖復在昏昏醉



夢兒黷武而殃民天命固不隨投柄五梁主殺之不慙遺  
可憐牛奮鞫持觴慚孫機

過汪吳泉前輩

守和

寓齋談後有會而作

俳優登場時妍醜非一狀參軍與蒼鶻摹寫極變相鄙則  
駟僧詞褻則淫哇唱或闕修羅兵必借天龍仗目眩而耳  
聾羣喜謂奇剏此風近彌熾大雅詎所尙就中別差等亦  
復分下上其技苟不工觀者神不王吳泉昨觀劇入席生  
惆悵所見與所聞素心無一當遂令咫尺間手足隘而妨  
忽然發深省劃若水消漲謂此戲劇耳孰真而孰妄人炫  
都盧撞吾寶光明藏一除起滅心乃知天地曠歸來爲我

語可悟仙人障吾意與之空撫琴風入帳

貝多葉

釋迦已示寂阿難淚如雨寺前畢鉢羅蒼翠誰爲主馬經  
借樹葉樹亦名思惟震旦讀經者何人証聞思葉大才盈  
掌葉明可照空持六波羅密寶相來夢中

萱花

憶當卅角時兒戲中庭劇慈親倚門前金萱正弄色可憐  
堂北花省向畫圖識回首悲春暉甘載淚空積

顧晴芬同年以小圃八詠見示索和余圃中惟無紫  
薇刺藤乃易以無花果梧桐更以葡萄易山桃亦

成八首奉政

掃徑延春華編籬佇秋實預想西風時纂纂耀秋日仙島

有奇種結實大如瓜安得安期生招吾餐紫霞

素樹

君家高簾花可傲竹垞叟我家馬乳實不博涼州守簾花

不入詠君意何其謙我愛綠陰垂炎夏忘朝暹

葡萄

紅杏有尚書君擅子京才我兩校禮闈亦復事鄒枚種遲

春尚寒花過葉猶密吉讖祝他年孫枝重結實

紅杏

丹葩照窓日碧桃初賜緋蓬萊誰仙子絳紗中單衣髹几

掩映間研朱滴朝露書室羅萬卷應題點易處

碧桃

丁香爲誰結其爲海棠悲不能成命婦乃復過封姨繁紅

一妾地素心如有怨庶待外孫馳使我悲如願丁香

感

群花交旖旎間一優曇鉢其菓可備荒隨地輒能活畿南

哀鴻多待賑今如何

皇仁優且渥吾儕宜浩歌

無花果

築臺植牡丹環以四梧桐成陰雖有待抽葉迎春風誦芬

念肯構昨有草堂夢

余家園有桐陰草堂

厲叅誠寄廬庶可栖鸞鳳

桐梧

我有一畝園檀欒映漣漪顏之曰石竹鄉夢隨雲飛君昨

記柴門思歸歸未得焉真對此君爲我添春色

竹

君爲

余爲竹一幅

詠瓢兒菜

江村一雨過幽思得自騁行菜步前溪風露浩千頃滋生  
良多族擷秀貴獨秉愛茲佳種殊聊寄秋心永綠雲初破  
畦素英欲抽穎盈盈擢波光離離抱月影金甌外吐華碧  
玉中舒梗旣殊綸組藻亦異參差荇登盤乍浮香點豉不  
煩請滑欲比羹蓴清可奪春茗肉食味如無酒客氣亦靜  
如友善清談風神必高迥如士有內心氣節必孤耿乍宜  
文字飲韻拈首頻肯若置統綺筵歌闌夢亦醒斯材訂食  
譜功與晚菰等芳名誰所錫雅趣世莫領置之顏巷中未  
許庾鮭金士能甘飯壘隨緣皆樂境一爲烟霞思夢泛江

南艇

謝陳荔峯同年惠上党參用東坡紫園參寄王定國

韻

氣浥露濡根光騰雲護頂神草產太行論功可駐景平生  
昧養生髭髮擢霜穎石芝雖有夢姑射未陟嶺既鮮服氣  
功徒作天地癭有子昨病喘氣逆不得騁處劑賴儒醫扶  
羸置安境惟參重紫園如莽貴龍井饋葯一拜嘉當暑氣  
亦靜君住明聖湖使輶節屢秉懸知葯籠中儲材可調鼎  
欲報瓊琚投愧乏匡廬茗

桃笙

汗雨蒸夜衾火雲燒午消煩懷何處銷冬心徒自握寶此  
黃瑠璃厥切高莞弱方言潮吳都緬與寄雲壑伐材細搜  
求入織妙工作緻緻風生滴艷艷花承萼涼波月似流空  
蓋露疑著製巧色轉瑩用久光逾灼放簾戶陰陰掩燈烟  
漠漠薤葉影陸離交犀光粲粲貴遠誠足誇適體斯爲卓  
五離枝吐華九折節藏錯偶然資偃仰此地可盤礴孰珍  
蘄州笛欲夢緱山鶴百體得所安衆妙於焉託風笙請逸  
唱冰桃快饞嚼仙味迥塵心閒身辭世縛長物表嘉名郢  
說附成約納涼先正心觀空卽大藥力作彼何人暑暵勤  
行脚夏畦耘未休頰肩擔肯却共此食息軀不辭節力薄

吾儕字識丁漫詡誦成洛念此勞逸殊深愧閒居樂

紙鳶用昌黎會合聯句韻

騁望天宇清快意風力重鴻冥孰纂弋鵬運或賈勇躡虛  
倒景軼撐空吟肩聳孤行辭枝棲上出異泉湧擎綵得新  
觀挂壁忘舊壅羽化昇於天禽戲息以踵鸞鳩枋榆陵  
鵲戀邱壑下走有愕怡上方無怖恐仙訣難一覩巧製易  
百種形似費剪裁拙作憶煩冗章句徒汗牛詩書且發塚  
舍彼翰墨勲就此兒童寵謀野喜晴如仰屋謝華栱機信  
排雲高意怵投村吻却疾理或然嬉春事爭奉伏火貴發  
越宣氣免踵腫紀俗時則殊摩天翼仍擁茱萸乍徧插綃



繩亦羣捧縱影越賓鴻  
戛響禽吟蒼地屬吳與越人非微  
且廔怪彼麻縷牽絕勝牛革鞞  
自他乃有耀離羣孰謂疇  
氣得雲霞親思辭矰繳悚邗溝  
我昨來紅橋草已茸老輩  
盛文譙新詞煥璧珙拈題鳳  
諧律步韻鸚鵡鳴隴洛紙競手  
鈔江雲燦波溶嶽峯初絢彩  
臂講知脫羣故事感令節清  
明過上塚鄉心鳥依林世緣  
蠶化蛹幸逢東野逐敢忘魏  
犢踊相彼雲間翮不假巢邊  
翫鶴駕風御善駕鳴花意用  
詩懷良澹澹市聲故洶洶

從人乞筆墨二首

著錄日不暇退筆如束筍  
育倉與杜庫鉛槧亦待賤  
猪肝

累使君虜公疑性閑

隄塵給一斛舊夢迴清都卅載墨磨人江上還胥疏何處  
來龍賓飲水伴蟾蜍

伯兄書來云近足力頗軟作詩寄之

足弱稍宜杖已過周甲年何時撰杖去侍坐話歸田予亦  
初霜髻今猶理舊編平生慎跬步有夢必林泉共此鮮民  
痛兄依丙舍邊扶鳩能陟巘卜兆得新阡祝汝登高壽諸  
昆得並肩安靈襄大事相與認牛眠